

Flash Notes

Internal Medicine | Infections

TYPHOID FEVER

أنت بس برضو اعرف حاجات مُعَيَّنة يعني أنا مثلاً مش حاخليك تقعد مثلاً تذاكر بقى
ال salmonella و ...بس هي خلي بالك هي سؤال Typhoid fever ... written .. وممكن ال typhoid
fever تبقى problem عادي خالص فخلي بالك من الحاجات الصغيرة دي طبعا أولا ال salmonella
بتعمل ايه؟ ساعات بتعمل typhoid fever زي ما انتوا شايفين ساعات بتعمل septicemia ..
Salmonella food poisoning - osteomyelitis - Cholecystitis دي شوية حاجات كده خلينا في
ال enterica اللي هي ال typhoid ... ال typhoid فيه عندنا اللي هي paratyphoid اللي هو السبب
يعني typhoid و paratyphoid

Pathogenesis:

ال Feco-Oral Feco-Oral mode of infection : و خلي بالك من ال ice-cream ...
اه اه يعني ال typhoid ممكن يبقى في ال ice-cream يعني لدرجة .. يعني كناية عن ايه ان هو بي
resist بي freezing resist مش مهم ال pathogenesis مش ضروري تعرف ال pathogenesis بس افتكروا
شكل ال intestine وهو ده يعني جنب ال pathogenesis افتكروا شكل ال intestine اللي في المتحف كان
فيها قرحة كده بالعرض اكتب هي دي المشكلة يعني أنا النهاردة أنا خايف من ال typhoid fever في ايه؟
خايف من ال intestinal perforation لأن ال infection فين ؟ في ال small intestine .. Typhoid
ال organism بيخس في ال small intestine لو افتكروا كان بيخس وبعدين يعمل infection في
ال intestinal mucosa وبعدين يروح رايح عال Peyer's patches ويعمل lymphoid hyperplasia
وبعد كده ال peyer's patches تقع وتسبب ulcer مش ضروري الكلام ده بس افتكروا هذا ... طبعا
ال intestinal perforation يعني ايه يا ولاد؟ intestinal perforation يعني هيجيلي peritonitis ...
peritonitis يعني septicemia يعني حاجة مش كويسة
Incubation period حوالى أد ايه؟ يعني قول مثلاً ١٠ أيام طيب تعالوا نشوف بقى ال clinical picture

Clinical Picture:

ال clinical picture طبعا خلي بالك ال typhoid يعني خط برضو من ضمن ان هي من ضمن ال causes
of fever of unknown etiology يعني يعني ممكن واحد يجيلك ب fever of unknown etiology
فهو احنا مقسمينها first week second week third week
ال first week احنا بنسميه أسبوع اكتب عليه كده أسبوع الحرارة أسبوع الحرارة ... fever ... وال fever
تفضل قاعدة والعيان طبعا مش مستجيب لأي حاجة إلا بقى لو بالضدفة خد مثلاً Quinolones ولا

VISIT...

LANZAROTE
Caliente.COM

حاجة الحرارة كانوا زمان يقولوا لنا ان هي ladder appearance يعني عاملة يعني عاملة زي السلم يعني ايه عاملة زي السلم؟ يعني كانوا يقولوا لنا ايه مثلا الصبح الصبح الحرارة ٨,٥ .. sorry الصبح الحرارة 38 بالليل تبقى ٨,٥ تيجي تاني يوم الصبح تبقى ٣٨,٥ بالليل تبقى ٣٩ بعد كده مش عارف الصبح تبقى ٣٩,٥ .. يعني هُـم بيوصفوا لكن اكتب يعني اكتب هذه المعلومة ... هذا الوصف مش عايزين نعتمد عليه بقى زي أيام زمان ليه لأن احنا النهاردة مُجرّد المريض خد antipyretic خلاص .. يعني أنت النهاردة أنت لنهاردة واحد جاله fever وراح واحد antibiotic وخذ antipyretic هتقعد بقى تدور على ال Pattern of fever فيعني برضو عشان أنت متبقاش مُعتمد على الحكاية دي يبقى أول حاجة في ال typhoid fever هو أسبوع الحرارة وال fever

تاني أسبوع بنسميه أسبوع ال spleen حتى بنقول عليه بالبلدي كده أسبوع الطحال يبقى مريض التيفود يجيلك ب fever ويفضل قاعد سُخن كده كام يوم كده تاني أسبوع تبص تلاقي لو انت بتفحص كويس تجد splenomegaly يبقى ال typhoid من ضمن ال causes of fever and splenomegaly خلي بالك

الأسبوع الثالث هو أسبوع بنسميه المصير اللي هو يا ترى هو هيرسي على ايه بقى ؟ يعني أنت هتخف ولا هتنتيل؟ والله favorable cases لو الحالة favorable كويسة و good prognosis خد علاج وخلاص فيه حالة هيبقى ال prognosis مش كويس وهيقب فيه حاجتين بقى يموتوه ايه هُـم؟ ان هو يجيله intestinal perforation ثم septicemia أو يجيله حاجة اسمها typhoid state .. typhoid state .. ايه ال typhoid state دي يا دكتور؟ بتبقى عبارة عن coma .. يعني زي ما تقول بيحصل cerebral encephalopathy والعَيان مُمكن ي die خلي بالك ان ال awareness احنا عندنا مُشكلة في مصر دلوقتي ايه المُشكلة في مصر ؟ ان مفيش حد في الجامعة تلاقيه معلّم في ال fever هتقول لي لأن ان احنا عندنا قسم اسمه قسم ال tropical عدكوا برضو صح؟ قسم ال tropical ... قسم ال tropical

عندكوا شغالين ايه؟ Gastroenterology .. شفت بقى .. خلي بالك ان دي مُشكلة كبيرة جدّا ودي مُشكلة عاملة خناقات كبيرة في الجامعة من زمان أنتوا خلاص بقيتوا GIT و hepatology ونطيتوا عالجماعة بتوع ال GIT وخلاص وعملت بقى فيها فلوطة فاهم ازاى وسبت التخصص بتاعك أنك طب المناطق الحارّة .. يعني هو أساسًا أمّا تيجي تلاقيه فاهم في ال fever ولا عارف fever لأنه عارفين ال fever بقى بتوع مُستشفى الحُمّيات و الحاجات دي ودول قليل منهم اللي تلاقيه بقى قارئ أو يعني كده يعني بيبقى برضو فدي مُشكلة يعني مُمكن تيجي حالة fever بالصلاة عالنبى كده والناس تلوص فيها يلوص .. فأنا أنا ليه بأقول القصة دي لأن فيه ولد مرة ودائمًا أنا باحكي القصة دي واد جالنا عنده coma الواد ده كان عنده ١٧ سنة والولد ده كان ابوه كان شخصيّة كبيرة في البلد ودخل مُستشفى عين شمس التخصصي أيام ما كانت المُستشفى لسه جديدة قبل حتى ما القصر العيني الفرنسي كان ايامها لسه بيتبني فراحوا جايين عندنا كويس يا عم ؟ والدنيا اتقلبت بقى الواد fever وسُخن مش عارفين عنده ايه ده زمان جدّا يا دكتور ولا حد عارف عنده ايه ويمين شمال يمين شمال مفيش لحد بقى ما في الآخر قال لك ايه بُص فيه واحد راجل كده كبير أستاذ قديم من الأساتذة اللي هُـم بتوع ال fever دول هاتوا ال راجل ده ... برضو ال investigation كانت لسه .. أنا فاكّر اليوم ده ال راجل داخل بقى عارف ال راجل اللي هو الكبير بقى في السن اللي هُـم مسنديته اه و ال راجل بُص يا دكتور داخل بقى بُص عامل أهو بُص هو نفسه هو بيموت وقعد يكشف عالواد كده ما هو بُص دي خبرة فاهم ازاى فبعد ما كشف و بص عالتحاليل حاجات كده قال دي typhoid state ازاى يا دكتور ؟ قال لأ أنا بأقول لك كده خلاص .. طب نعمل ايه يا

فندم طبيعًا chloramphenicol هندي chloramphenicol فقال لك لا لا لا فيه دلوقتي دوا جديد
اللي هو عارف كان مين بقى اللي طالع ال ciprofloxacin موجود infusion وفعلا الدوا ده جه من برّة
في ٤٨ ساعة الواد خد ال infusion قام .. خلي بالك بس ان احنا ايه احنا مهنجين في هذا الكلام ... لأن فيه
علم وفيه خبرة الخبرة مبقتش موجودة كثيرًا يعني إلا عند ناس قلائل .. تعالا نشوف ال investigations

Investigations:

ال typhoid أول investigation يقول لك ايه في الأسبوع الأول من ال infection < blood culture ... خلاص
الأسبوع الثاني على فكرة ممكن أو يعني بعد ١٠ أيام Widal test ال Widal ميهمنيش الأرقام تكتب
دائمًا اوعى تنسى هذا اللفظ لأن احنا بلدنا endemic وان أنا عايز very high titre أو rising titre
يعني سيبك من ال titre اللي مكتوب ده لو أنت اعتمدت على ال titre ده أهو هتلاقي الناس كلها عندها
typhoid عشان تبقى عارف يعني فدي نقطة مهمة ... فيه بقى فيه ال .. برضو في الأسبوع الثالث أو الثاني
كمان ساعات ببيان ال organism by urine .. في ال urine ينزل و في ال stool وممكن يعمل urine
culture ... طيب ال CBC أخبارها ايه بقى ؟ دي bacterial infection .. يبقى مفروض ايه ؟
Leucocytosis ... لأن Leucopenia ... خلي بال حضرتك leucopenia عشان كده دايماً يقول لك ايه
ال bacteria اللي بتعمل leucopenia تروح قايل له مين بقى ؟ تروح قايل له typhoid و brucella
هتعرف ال brucella بعدين اللي هي جت السنة اللي فاتت الحمد لله أنا كنت فرحان يقول لك جالنا
brucella .. والله ؟ أنت متعرفش انها مهمة ؟ طب كويس ... أنتوا بقى typhoid طب السؤال .. ده سؤال
بقى قوي جدًا طب متى تحدث ال leucocytosis في ال typhoid ؟ لو حصل intestinal perforation
يبقى شفت بقى الراجل هنا يا خرابي ده عنده تيفود طب خلاص التيفود متخافش منها اذيله كذا لو لقيته
جاله leukocytosis دي bad sign .. دي معناه ان ال intestine اتخرمت والراجل داخل في
peritonitis فيه jar فيه jar في المتحف فاكرينه ال jar ده ؟ jar فيه small intestine يا واد كده و
مخرمة typhoid ولا نسيته ال jar ده ؟ هي دي المشكلة هي دي المشكلة أو ال typhoid state اللي هي
بتاعت أحيانا الراجل الكبير اللي قفش الواد ده بس هي دي ال investigations الهامة ... تعالا بقى نشوف
ال complications

Complications

ال complications من الأسئلة بُص هتلاحظوا حاجة في ال fever كلها ... كل ال complications حط
كلمة ايه itis طبعا يا جماعة هاتوا ال general هاتوا ال general أنت عارف أنا هاعمل ايه بقى هابتدي
أستعمل الطريقة بتاعت زمان أنت متعرفش زمان أنا كنت باعمل ايه في الناس أما كبرنا اتهدينا ... هاطرد اه
بس قبل الطرد ضرب ضرب مبرح "تهريج بقى كام دقيقة كده"
itis كلمة itis يعني ايه ؟ امسك كل ال system ودي itis على طول يعني مثلا GIT يقول لك ايه كل
ال itis system مش عارف ال heart .. myocarditis pericarditis ... ال brain بتاع ده اهو
encephalitis بُص itis itis كله كله اكتب ... فيه حاجة مهمة في ال locomotor عارف يا دكتور
بيحصل ايه ؟ بيحصل التهاب في ال vertebral ligaments و ال intervertebral discs ..

يلتهب ولذلك اكتب جنب الحكاية دي اكتب مشهور بال backache typhoid fever من ال fever المشهورة أوي بال backache ... locomotor locomotor يعني musculoskeletal system اللي هو الجهاز الحركي يا ست الكل.... طيب فزيّ ما تقول زي ما تقول كان زمان أنا كنت فاكر أنا برضو في .. الناس زمان كانت بتشخص كده أنا مش عارف ازاى برضو بصراحة يعني فيه واحد برضو ايه وكان زمان الدكتور يبجي يكشف في البيت بقى وبتاع بيت مين يابا بيت مين ده البيت ده لما الواحد يبقى قعيد بقى واحنا يعني هو مَيّت مَيّت تعالا بس شوفه عشان نعمل واجب وخلص كان يبجي الدكتور يكشف عالواد ويروح حاطط بقى الترمومتر كده وتلاقي الدكاترة بتوع زمان كانوا دكتور يعني مش زينا كده صَيِّع لأ تلاقيه باشا كده وماسك يشوف الحرارة ويقعد يكشف كده splenomegaly أنت ضهرك واجعك يا بني ؟ أيوة.... typhoid على طول ...مفيش evidence يروح مدي ال chloramphenicol .. bone aplastic anemia ... marrow depression مات الواد ...ما chloramphenicol ايه bone marrow depre.... ادبي يا عم الخبرة ما أنا باقول لك

طبيب ايه كمان برضو neurological ... nephritis ... زي ما أنتوا شايفين كلوا ايه itis itis itis برضو تيجي مثلا ال Brucella complications نفس الكلام myocarditis pericarditis encephalitis meningitis مش عارف itis itis افضل دَبْ دَبْ في itis في كل ال system عشان بس ايه تبقى سهلة عليك لأن ده لوحده سؤال ايه ال complication اللي هتيجي للعيان ده ايه رايك لما أنت تتسأل سؤال oral .. complications of Brucella وأنت مش واحد بالك من الموضوع .. أنت بس قرأتها مرة وعرفت حكاية itis هتدب أي حاجة لكن لما واحد يبقى مش preoccupied بالموضوع وأنا قلت لكوا مرة على مش عارف كان فيه ولد كده فيه عندنا واحد يعني هو تعبان الدكتور نفسه تعبان فياه عنده كام سؤال مبيغيرهمش من ضمنها ال complications of Brucella في ال oral الواد وهو بيقد على الكرسي قبل ما الواد يرسى عالكرسي يروح مديله السؤال الواد لسه بيقد complications of Brucella يقوم الواد عامل كده فضل قاعد كده خلاص بقى تجمّد على هذا حأقول لك ايه

Treatment

العلاج شوية كلام بقى ال tropical شوية بقى حاجات بقى ايه خلي بالكوا من ال ice-cream اللي هو كان زمان ال ice cream ده very common مش زي ال ice cream بتاع دلوقت كان زمان بيبيعوا ال ice cream في الشارع...عربيات كده تلاقي واحد راجل بيدور بعجلة كده وهو لسه موجود بس موجود في اه وكان بيع ال ice cream في الشارع كده كوبيات ice cream كده الواحدة كانت بتعريفه كان فيه حاجة اسمها التعريفه التعريفه دي اللي هي ٢٠ تعريفه اللي هو الجنيه ... الجنيه كان ب٢٠ تعريفه يعني الجنيه كان يجيب ٢٠ ice cream واحنا عيال صغيرين كده الجنيه اللي أنت بترمييه لما تدييه للسايس كده يبقى هيرمهولك في وشك مينفعش هتدني جنيه دلوقتي اه ... كان ال ice cream هتدني typhoid طبعا عشان كده احنا خدنا infections كتيرة يا ولاد واحنا صغيرين ولذلك طلعلنا رجالة طلعلنا رجالة ..كويس... فالمهم طبعا يبقى دي الحاجات ال general measures وفيه بقى عندك بقى ايه ال housefly مش ال housefly ال contact .. ال milk ال poultry خلي بالك الكلام الفارغ و ال vaccine اللي هو ال TAB vaccine لو تفتكروا اسمه ال TAB vaccine أنا عايز ال treatment .. العلاج chloramphenicol خلاص أصبح old therapy خلاص بطل ليه bone marrow depression خلاص ؟ مقدرش ...مين يقول لي ال chloramphenicol بيعمل bone marrow

depression اِزاي ؟ فيه ساعات واحد يقول لك هو ال bone marrow depression of chloramphenicol ايه ال mechanism ؟ قل له يا فندم فيه toxic cause اللي هي اسمها ال dose dependent وفيه حاجة تانية اسمها dose independent اللي هي اسمها Idiosyncrasy تسمعو عن حاجة اسمها Idiosyncrasy خدنا اللفظ ده فين؟ خدناه في ال liver يا حبيبي ... أنا مديكوا اللفظ ده في ال liver ... Idiosyncrasy و متبروز يا أستاذ كوتوموتو شكلكوا هتضربوا كلكوا يبقى ايه Idiosyncrasy يعني ال dose independent يعني ممكن بخد قرص واحد يضيعني ... Immune mediated reaction حصل مع الدوا ... فكان سؤال pharma يقول لك mephenicol وعلى فكرة mephenicol فيه بلاد كتير في العالم بطلتوا ما زال في مصر موجود حش عالصيدلية قل له عايز thiophenicol موجود يا فندم ... فيه أقراص ؟ فيه .. فيه حُقن؟ فيه يا باشا ايه ده؟! ... عادي ... موجود يا بابا ما هو طبعا ده دوا بطل .. لو هو ال dose dependent كان toxic dose بيبقى بيبقى يعني لما يبطل ال mephenicol أنا ممكن أبقي كويس وبيبقى reversible ... لكن لو عمل idiosyncrasy .. it is irreversible اه أنت وحظك بقى يا دكتور ... يعني ممكن واحد ياخذ قرص واحد mephenicol يكلفه bone marrow transplantation يعني هيموت ... قرص واحد عمل له idiosyncrasy immune mediated reaction .. لكن فيه واحد خد mephenicol doses كتيرة فهمل له bone marrow depression عارف ده لما يبطل ال bone marrow يرجع يبقى كويس إنما ال idiosyncrasy ده ال bone marrow انتهى خلي بالك من هذه المعلومة وده كلام خلاص احنا طب ايه الدوا الثاني؟ فيه Rocephin Rocephin ده اسمه ايه العلمي؟ Ceftriaxone ال Ceftriaxone ده third generation cephalosporin generation cephalosporin > Third generation cephalosporin Ceftriaxone ... لكن مفيش شك خلاص of choice بقى دلوقتي خلاص بقى هو ciprofloxacin كلنا عارفينه واسمه في السوق ciprofloxacin .. وال ciprofloxacin ده ... على فكرة ال ceftriaxone ده اسمه التجاري ceftriaxone برضو لو عايزين هو مكتوب اسمه التجاري عندكوا مش كده؟ مكتوب Rocephin .. برضو Rocephin ده الاسم التجاري ما فيه كذا شركة بس اسمه العلمي ceftriaxone .. أو ان أنا هاديله بقى الأفضل ciprofloxacin احفظ بقى الجرعة سهلة ٥٠٠ mg كل ١٢ ساعة لمدة ٢ weeks وساعات بنحب نبدأ بال infusion لو الحالة جامدة بنبدأ ب ciprofloxacin infusion ثم نرجع نكمل بال oral

Treatment of complications بقى لو فيه peritonitis – intestinal perforation ساعات بيعملوا له surgical treatment أهم حاجة في المربع شاور على حاجة واحدة هامة وهي ايه يا دكتور ؟ ان ال laxative و ال Contraindicated ... بس لأن العيّن ده يبقى ايه يا دكتور هو بيبقى عنده شوّة إمساك ... خلي بالك لما ال intestine بتبقى ملتهبة و friable و أنت تقعد تديله أنت يعني laxative و مش عارف ... غلط غلط غلط .. يعني هاديك مثال زي واحد عنده hematemesis وأنا باديله ايه وأنا عمال اديله motilium ... ال motilium ده بيخلي ال stomach تتحرك ... واحد عنده diarrhea هابقى أعلمكوا الحاجات دي وأنا باديله motilium هذا wrong .. wrong motilium أنت عمال تزود له ... أنا عايز أهدي ال GI متديش الحاجات دي خالص يعني مينفعش في واحد زي ده اديله enema مينفعش في واحد زي ده اديله laxative استنى بس أما نعدّي الفترة اللي هي الحادة عشان ميحصلش intestinal ايه perforation بس ادي ال typhoid ... الست ابتدت تطبخ ايه شامّين ؟ ماش شاء الله نشيطة اوي ... ده ده ملوحيّة عالصبح مش كده ؟ هات يا ابني ال bronchial asthma

